

Delegasaun Kongressu Estadus Unidus Vizita Timor-Leste

Embaixada Estadus Unidus iha Timor-Leste haksolok hodi simu vizita delegasaun kongresista Amerikanu nain hitu husi Kámara Representantes Estadus Unidus Amérika nian mai Timor-Leste husi loron 28 to'o 30 nu'udar parte ida husi kooperasan atual programa House Democracy Partnership ne'ebé ho nia objetivu atu hametin instituisaun demokrátika sira iha Estadus Unidus no Timor-Leste.

Estadus Unidus orgullu apoia Timor-Leste nia independensia no kontinua servisu besik liu tan ho Timor oan sira atu dezenvolve instituisaun demokrátika sira ne'ebé forte no promove dezenvolvimentu ekonomia. Ida ne'e visita ba dalimak delegasaun kongressu Estadus Unidus nian mai Timor-Leste liu husi programa the House Democracy Partnership. *“Iha hau nia vizita dala hira ona mai Timor-Leste, hau impresionadu ho progresu bo'ot ne'ebé nasaun ne'e halo ona hodi rekupera husi konflitu no kria demokrasia ida ne'ebé ho dame. Ami nia membru delegasaun hotu espera atu kontinua apriende husi Timoroan sira no servisu hamutuk atu dezenvolve demokrasia no instituisaun ne'ebé inkluzivu ne'ebé reprezenta Timor oan hotu,”* hateten Lider Delegasaun nian, David Price husi North Carolina.

Embaixadora Kathleen Fitzpatrick ho nia ekipa iha Embaixada EUA agradese Parleментu Nasional, Governu no Timor oan hotu ba simu vizita importante ida ne'e. *“Ami onradu hodi simu vizita delegasaun importante ida ne'e mai Timor-Leste. Vizita ida ne'e reafirma relasaun forte entre Estadus Unidus no Timor-Leste, nasaun rua ne'ebé kompartilla valor sira demokrasia nian no servisu hamutuk atu apoia paz iha rejiaun Indo-Pasífiku bazeia ba solusaun dame ba disputa sira tuir lei internacional.”* Ami onradu katak delegasaun ida ne'e iha oportunidade atu hasoru malu ho Exelénsia Presidente Repúbika, Exelénsia Prezidente Parleментu Nasional, Exelénsia Primeiru Ministru, Vice Prezidente Parleментu Nasional, Xefe bankada Parleментар no Grupu Feto Parleментар. Delegasaun Kongresional mo'os hasoru malu ho lider polítiku feto no empresaria sira, lider joven no sociedade sivil sira.

Ami hato'o agradesimentu especial ba benvindu murak husi Sua Exelénsia Xanana Gusmao ne'ebé oferese jantar furak ida ba delegasaun hafoin sira to'o iha loron 28 Jullu.

Dezde 2009, Programa House Democracy Partnership apoia ona Parleментu Timor-Leste nia servisu peskiza, apoiu fundu ba harii biblioteka, integrasaun informasaun no teknolojia ba operasaun parleментu nian no insentiva supervizaun parleментар ne'ebé eficiente.